

APPROBATIO.

**D**Um ex Commissione Admodum Reverendi Patris *Gerardi à Stigmatibus* Christi, Provinciæ nostræ Germaniæ Superioris Provincialis *Cælum hoc Sydereum & Stellatum*, id est, sic intitulatas Conciones Festivales nostri Reverendi Patris *Josephi à Virgine MARIA*, Concionatoris Eximii semel percurri, iterum iterumque totum *gyrum* hujus *Cæli circui-vi solus*, seu solitaria & attentamente consideravi, & Ecce! inveni totam hujus stellati Cæli substantiam esse incorruptibilem, nullive seu in fide, seu pietate, seu bonis moribus corruptioni obnoxiam, sed huic potius, ceu salputori, noxiam atque contrariam: imò verò, licet pluribus Recentioribus cum Democrito substantia Cæli videatur fluida, aliis cum Aristotele duntaxat solida, hoc nihilominus stellatum Cælum & tersi Germanismi, seu Verborum elegantiam *fluidissimum*, & simul rerum, materiarum, conceptuum, moralitatum, historiarum & authoritatum gravitate *solidissimum* reperij, ut meritò nomen gerat syderei ac stellati Cæli, in quo nimirum, ut cum Augustino *serm. 134. de temp.* loquar, *Sol Christus est*, Luna MARIA, *Stellæ quoque lucentes Apostoli, Martyres, Virgines, Virtutum suarum flammæ*, quam in hoc Cælo Ignei Authoris ingenium succendit, fidelibus è mundi cœno ad Cælum Cæli elegantissimè *radiantes*.

Quid jam ergo? Num sinistrâ censura ponam in hoc Cælum os meum? Absit; Meum esto iudicium: Quemadmodum teste Prospero *lib. 2. Vocat. gent. c. 1. Cælum consono speciei suæ, ordinationisque concentu protestatur gloriam Dei, & prædicatione perpetua Majestatem sui loquitur Authoris*: Ita Cælum hoc Sydereum & stellatum bellissimo suæ dispositionis, ordinationis, compositionisque concentu, pulchritudine ac elegantia suum aliàs licet typis notissimum laudat, prædicat & protestatur Authorem; dignum proindè quod suam publicè influat virtutem his inferioribus seu immundo mundo immerfis mentibus: Dignum ut ejus stellæ virtutum suarum splendore illuminent, seu *erudiant ad justitiam multos*, qui tandem & ipsi splendebant quasi stellæ in perpetuas æternitates:



tes: Dignum, ut maximè Pastorum & Concionatorum *conversatio*, seu studium & lectio *in hoc Cælo sit*, quò fiet, ut & suos facillè cœlestes facient Auditores. Ita censeo ex Carmelo nostro Herbipolensi ad S. Barbaram DeCIMA CVrentIs Aprilis.

F. Columbanus à S. Spiridione,  
Lector Jubilatus p. t. præfati Carmeli  
Herbipolensis Prior.

## APPROBATIO.

**I**Nter cœtera Sapientiæ Divinæ opera, haud illustrius quàm in stellatâ firmamenti aulâ, tot purissimis speculis quot lucidissimis astris, reflexum Omnipotentis dexteræ relucet magisterium; Psalte Regio attestante, *Cœli enarrant gloriam Dei, &c.* verùm ex Commissione Admodùm Reverendi Patris Gerardi à Stigmatibus Christi, Provinciæ nostræ Alemaniae superioris Provinciales &c. Dum in Opus Concionum Festivalium Reverendi Patris Josephi à Virgine Mariâ, Sacri Ordinis Carmelitarum, ejusdem Provinciæ Concionatoris Emeriti conjeci oculos, illud attentâ mentis acie sæpiùs contemplans; non immeritò *Cœlum novum* sydereum ac stellatum representare videbatur, nullâ prorsus Fidei orthodoxæ aut bonis moribus adversâ caligine obscuratum; in quo non tantùm duo luminaria, Christus Sol Justitiæ, & Maria, quæ pulchra ut Luna, ambulantes in tenebris & umbrâ mortis illuminat, gloriose collucent, sed & Duodenarius Apostolici Chori Zodiacus, aliaque præfulgida Ecclesiæ triumphantis sydera coruscant: Hujus igitur Cœli novi gloriam æternosque honores cum præfatus Author famosissimus mirâ Eloquentiæ energiâ & solitâ Idiomatis Germanici facundiâ enarret, sicq; fervido Evangelicæ Doctrinæ zelo, fidelium corda, spretis caducis Mundi voluptatibus, ad Cœlestium amorem inflammet; dignissimum proinde judico, ut Cœlum hoc novum, lucem novam ac publicam omnibus communicet. Dabam Bambergæ ad S. Theodorum die 10. Aprilis In DoMinICâ paslonis Christi.

F. Avertanus à S. Gerardo, SS. Theologiae Lector, p. t. Carmeli Bambergensis Prior.

Det: